

四庫全書

集部

欽定四庫全書

元詩選初集卷六

庶吉士顧嗣立編

庚辰元日

曾記西湖酒一卮乾坤和氣入親詞六年未盡冰霜怨

又到春風滿面時

乙亥所作詞有春風花柳消盡冰霜殘怨之句

下山

翠霞騰暈紫成堆收盡雲煙酒一杯想見浮嵐在眉宇

人人知道看山回

即事

曬罷空庭藥果收
閉門無睡却梳頭
過門幾點黃昏雨
分與蟲聲半霎秋

宋理宗南樓風月橫披二首

試聽陰山勅勒歌
朔風悲壯動山河
南樓煙月無多景
緩步微吟奈爾何

物理興衰不可常
每從氣韻見文章
誰知萬古中天月
只辦南樓一夜涼

理宗自題絕句其上有并作南樓一夜涼之句才到天中萬國明宋太祖

讀鴻鵠歌令人心膽寒高飛橫四海牝雞生羽翰孺子
誠可教從容濟時艱平生無遺策此舉良可歎出處今
誤我惜哉不早還何必赤松子商洛非人間

翟節婦詩

并序

昔金源氏之南遷也河朔土崩天理蕩然人紀
為之大擾誰復維持之者而易之西山乃有婦
人曰翟氏年廿餘其夫從軍死於所事翟出入
兵刃往復數百里晝伏夜行以其尸歸負土而

葬之既葬自以早寡無子遭時如此思以義自
完乃自決於墓側鄰里救而復蘇終始一節今
八十餘年矣夫人心之極有世變之所不能奪
者於此亦可以見之予聞之為作是詩俾其外
孫田磐刻之石或百世之下有望燕山而歌予
詩者使翟之風節凜然如在亦庶幾乎吳人河
女之章焉

兵塵浩無際烈女難自全婦人無九首志欲不二天燕

山翟氏女既嫁夫防邊一朝聞死事健婦增慨然生有
如此夫早寡非所憐求尸白刃中負土家山前事去哀
益深義盡身可捐無兒欲何為所依惟黃泉鄉鄰救引
決烈日丹衷懸誰辨節孝翁重賦睢陽賢我昨過其鄉
山水猶清妍聞風髮如竹飄蕭動疎煙千年吟詩臺我
我太寧巔為招馮太師和我節婦篇

太寧山有馮道吟
詩臺距翟居甫數

里十

吳山夜雪圖

江南無寒歲一雪今幾時
吳山豈無春畫此寒巖姿壯
哉萬里流不廢東南馳
胸中漫長風俛仰今古非誰能
唱小海為和大江詞

白馬篇

白馬誰家子翩翩秋隼飛
袖中老蛟鳴走擊秦會之事
去欲名留自言臣信施二十
從軍行三十始來歸矯首
望八荒功業無可為將身彌
大患報效或在茲豈不知
非分常恐負所期非干復讐
怨不為酬恩思偉哉八尺

軀膽志世所希惜此博浪氣不過黃石師代天出威福
國朽誰當持匹夫赫斯怒時事亦堪悲

幽禽

幽禽初出谷其聲何熙熙但知春可鳴渾忘蟄凍時天
生復天殺恩怨敢自私寥寥古人心世遠今誰知

月下獨酌

佳月靜可飲一天明水寒餘光泛不極徘徊尊俎間但
覺涼露下不知清夜闌醉眠吾有興君當下西山

書堂谷晏坐

上負青天壁下引碧澗
滋中有晏坐石日夕忘
吾歸永懷幽棲人千載
誰與期人間九瀛海莽
蒼天相圍黃塵重如霧
舉手不欲揮白雲如可
招願作雙鶴飛

九日登洪崖

有道士居此今
二十年不睡矣

卑居不見秋登高自誰
始清狂未免俗謹厚亦
復爾山光故相迎百步
翠可倚屈指數勝遊茲
山居食指高絕讓龍門
平敞亦專美羣山渺波
鱗天開見洪水列岳真

情塵遐瞰小千里却恐行人視予旋磨蟻解衣林表
坐爛摘蒲萄紫甘漿來逡巡毛骨脫泥滓勝境得真賞
泉石迴如洗況有幽棲人嗒然空隱几相對已忘言一
笑雲林喜回首莫煙深高歌望吾子

遊龍宮

翠澗如生煙石瀨欲無雪縱目失平地仰面猶清樾時
節未當春生意方謀泄隨時久閉藏與物今超越茲遊
豈人力勝境殆天設拊石看棲龍髣髴仇池穴聞說如

桃源自古有深絕
掘衣徑欲往不見當年轍
獨立馭長風
哀歌山石裂

九日攜諸生登西山

九日秋服成童冠
從我遊萬古
清沂春重結
西山秋白雲
歸青岑
狂瀾落滄洲
永嘯長風來
爽籟生巖幽
清商失搖落
生氣浮林丘
門生顧我言
樂矣行歸休
風袂尚飄然
此意浩難收

送徐生還鄂

并序

江夏徐生東湖故家庚申北渡客燕趙十七年
而宋亡其子姪書來迎之而還蓋前所謂黃
鶴歸來疑城郭之猶是浮雲一去惜人代之俱
非者也諸公賦詩以道其行命容城劉某叙而
倡云

燕山送客歸南州興來每恨無扁舟君歸為我謝江漢
思君不見令人愁千里風煙想蕭灑一代英雄成古丘
當年才氣鸚鵡洲撫掌笑殺黃鶴樓黃鶴歸來哀江頭

江山依舊人悠悠浮雲萬古恣變滅眼中擾擾何時休
紫陽仙人歌遠遊飛蛟起滅三千秋為君揮手崑崙頭

紫陽謂晦翁飛蛟
起滅見遠遊集注

宋徽宗賜周準人馬圖

筆底金鞍有蕭爽誰云不博降王長汴梁門外若雲屯
畫本相看應自賞十載青衣夢故都經營慘淡欲何如
只除金粟呼風鳥曾見昭陵鐵馬趨

宋高宗題李唐秋江圖

秋江吞天雲拍水濤借西風挾不起斷雲分雨入江邨
回首龍沙幾千里澹菴老筆搖江聲髣髴阿唐慘淡情
千秋萬古青山恨不見歸舟一葉橫

金太子允恭墨竹

黑龍江頭氣鬱蔥武元射龍江水中江聲怒號久不瀉
破墨揮灑餘神功天人與竹皆真龍墨竹以來凡馬空
人間只有墨君堂何曾夢到瓊華宮瑤光樓前月如練
倒影自有河山雄金源大定始全盛時以漢文當世宗

興陵為父明昌子樂事孰與東宮同文采不隨焦土盡
風節直與幽蘭宗百年圖籍有蕭相一代英雄誰蔡公
策書紛紛少顏色空山夜哭遺山翁我亦飄零感白髮
哀歌對此吟雙蓬秋聲蕭蕭來晚風極目海角天無窮
黑龍江見金史幽蘭軒義宗死所汴亡張蔡公以金寶
錄歸遺山嘗就公謄錄此軸亦公得於汴之中官者公
之子仲仁持以求
予詩故終篇及之

白鴈行

北風初起易水寒北風再起吹江千北風三起白鴈來

寒氣直薄朱崖山
乾坤噫氣三百年
一風埽地無留錢
萬里江湖想瀟灑
佇看春水鴈來還

渡白溝

東北天高連海嶼
太行蟠蟠如怒虎
一聲霜鴈界河秋
感慨孤懷幾千古
只知南北限長江
誰割鴻溝來此處
三關南下望風雲
萬里長風見高舉
萊公灑落近雄才

顯德千年亦英主
謀臣使臣

一作史君

強解事枉著渠頭汗

吾鼓十年鐵硯自庸奴
五載兒皇安足數
當時一失榆

關路便覺燕雲非我土更從晚唐望沙陀自此橫流穿
一縷誰知江北杜鵑來正見江東青鳥去漁陽撾鼓鳴
地中鷓鴣飛滿梁園樹黃雲白草西樓暮木葉山頭幾
風雨只應漠漠黃龍府比似愁岡更愁苦天教遺壘說
向人凍雨頑雲結淒楚古稱幽燕多義烈嗚咽泉聲瀉
餘怒仰天大笑東風來雲放殘陽指歸渡

登鎮州隆興寺閣

大行鱗甲搖晴空層樓一夕蟠白虹天光物色驚改觀

少微今在青雲中初疑平地立梯磴清風西北天門通
又疑三山浮海至載我欲去扶桑東雲華寶樹忽當眼
拍肩愛此金仙翁金仙一夢一千載騰擲變化天無功
萬象繞口恣噴吐坐令四海皆盲聾千池萬沼盡明月
長天一碧無遺蹤我生玄感非象識此眼此臂將安庸
海岳神光埋禹鼎人間詭態何由窮金天月窟爾鄉國
玉毫萬丈須彌峯一杯徑欲呼與語為我返駕隨西風
堂堂全趙思一豁江山落落吾心胸中原左界此重鎮

形勢彷彿餘兵衝歌舞遺臺土花碧旗幟西山霜葉紅
乾坤割裂萬萬古烏鳶螻蟻為誰雄潯水悠悠自東注
落日渺渺明孤鴻

乙亥十月往平定早發土門宿故關書所見

風煙全趙如平掌失脚山城夢猶想土門一縷漢時天
萬古行人為誰仰指似勍敵談笑中為狀羸僕忍寒強
當年鼓角如可聞急著清吟和林響遠山宛欲來相迎
近山留人屹相嚮或從井底忽登天倚伏已能先想像

平生愛山真惡識今日果為山所網昨朝爽翠擁修眉
最恨高樓負清賞壯懷鬱鬱悶欲絕安得凌風恣吾往
天教石頂放一頭駛若驕騮脫羈鞅山靈努力出奇供
只恐先生駕虛枉萬壑霜松動悲嘯極目雲煙埋

缺

北門形勢護中原辦與姦雄增技癢太行橫絕半九州
留在平原幾塵埃何人為我起六丁差我盡隳天宇朗
千年再挽神禹功恍若鴻流開四象

仲誠家藏張蔡公石女翦製香奩絕巧持以求予

詩

靜華墨君天下奇陵川仙人為賦之遺山野史誇慧女
萬古春風蝴蝶詞豈知此巧復絕代夜月靜拂天孫絲
夢雲絲雨有形外郢斤庖刃無心時蔡公凜凜褒鄂姿
諸郎畫戟清香詩香奩秀發亦餘事詩人饑眼省見稀
敲門青燈爛紅碧布衾驚走惡睡兒破屋猶疑翠鯨怒
短褐誰憐紫鳳移東家健婦把鋤犂西家處女負薪歸
哀哀正念誅求苦對此無言空淚垂

山行見馬耳峯

近山豪士少羈檢酒澆不下胸崔嵬遠山靜女亦閒雅
尚恨少有傷春懷亂山米聚爭拱揖武卒侍婢皆凡材
天知老眼不受塵路轉忽睹雙峯開雙峯何年聳雙耳
叱之不動煩風雷今朝向我效神駿翠色欲逐神鞭來
浮世浮名酒一杯我欲駕此觀蓬萊只愁日莫三山上
黃塵回首令人哀

雪翠軒觀大寧

吾家雪翠天下白銀河無聲月無色天門不閉寒崢嶸
箕尾晶英凍將拆帝遣六丁下取將敕賜名軒換金碧
初如紫霧蟠青雲飛下人間作堅壁漸如扶桑六龍出
萬縷丹霞吹海立何人辨此女媧氏補天重鍊蒼蒼石
陽能無陰今可知祝融若并玄冥國正教蕪穢洗欲空
誰為千年棟梁惜殺機如火出至微焰焰寧知有今夕軒
中高卧劉更生願借餘光照方冊方冊有道出黃虞今
古煌煌天與極火耕明日千萬斛酒瓮已聞春雨滴不

妨一飲盡羣山醉暈春生半天赤

明河秋夕圖

明河澹澹縱復橫行雲悠悠度疎星鳳媒不來烏夜驚
瓊枝玉佩遲所託畫中隱隱聞機聲秋來秋去今猶古
此恨不隨天宇青崑崙西頭風浪平辦我一舟蓮葉輕
浩歌中流擊明月九原喚起嚴君平人間此水何時清

食筍

夢迴齒頰風蕭騷幽姿不許霜松高南來蒼玉不盈束

已覺飲興翻雲濤詩家胸次自宜此尚嫌煙火須烹魚
想像南風吹萬竹攆龍正恐稱冤號石盆養魚心自苦
仰羨鸛鵒雲間巢眼中歲旱土不膏長饒後慮山無毛
退食歸來北窓夢山巔朱鳳聲嗷嗷

飲仲誠柳瓢

君家瓠落無所容江湖誰辨平生曾海南佳氣久鬱塞
灩澦似喜今相逢前年對酒面發紅今年對酒氣如虹
江山萬古騷人國跬步便與華胥通河間古儒病我拘

聞我一飲喜氣濃平生得意南湖張此意頗與河間同
太古窪尊老無底一朝傾倒何由供醉鄉千年有此客
鳥歌蝶舞春濛濛醉翁之意不在酒宛如琴意非絲桐
太和風境無酩酊洛陽樓閣高玲瓏泠然仙馭一杯水
眼中渺渺無極翁西家伯倫替且聾東家醉死王無功
酒中醒境渠未識冰壺秋月崑崙峯舉杯喚月來胸中
人間白日浮雲空

一本有我醉欲眠聊且去
援援黑頭何等蟲二句

五嶺山高

雲幾重朱崖滅沒南飛鴻玄鶴翩翩渺何許操瓢徑訪

眉山公

河間謂趙王南湖謂仲實冷然仙馭一杯水見
潘延之和茂叔憶廉溪詩洛陽樓閣堯夫空中

樓閣

事

示孫諧

龍山古壯哉鬱鬱盤煙嵐一讀元子詩冷然玉泉甘江

山勝景要佳客而我不到懷應

一作應懷

慚雷家髯翁虎耽

耽劉氏遺愛存

一作性
理窮

河南百年喬木動秋色籃輿誰

與供竒探崑山出美王楚國多梗楠孫郎復貴種良璞

須深面勾萌慎培養雲霄看巖巖野夫老矣一何拙平

生只有歸休堪傳經訪道可無媿為我早辦龍山菴

書堂旅夜

丈室不自埽寸心徒爾豪世途仍險阻風物故蕭騷
月霜洗淨明河天放高空庭一片石獨坐首頻搔

雜詩二首

聞昔飛狐口奇兵入擣虛人才九州外天道百年餘
草木皆成騎衣冠盡化魚遺民心膽破諱說戰爭初

關嶺通山後風謠采路傍地寒人好壽草淺畜宜羊用

水如奴婢從川貯米糧西風如有約乘興卽吾鄉

野興

莽莽榛蕪路蚩蚩魚肉民乾坤幾逐鹿今古一傷麟
眼底人間世胷中物外春江山滿花柳無負百年身

山中憶故人

故人南郡去消息久無聞瑤草正堪種白雲誰共分
屋梁驚落月鵬翼賦垂雲歲莫一尊酒高歌如見君

送友生

無人慰幽獨之子罷登臨野鶴籠中態翔鴻天外音吾
儒闕世運晚節見初心有問山間事白雲今更深

郭判官按察廣右

謝病三公掾分司五嶺南柱山天下秀憲府百僚參夜
泊防風浪晨征避瘴嵐遙知慈母念先汝過湘潭

送仲常遊北岳

大茂玄都閼它山拱萬靈風霆凜神化河海盡襟形昂
畢空留影幽并未了青追風王制變僭祀世塵腥禮樂

心雖切煙霞骨有銘長懷七十戶為我謝仙局

與客會飲野亭

遙岑一碧淡相依野態行雲共意遲多病留侯寧復偉
長身諸葛但如癡相思千里尊酒盡永嘯一聲小鳥悲
風袖翩翩似何處青林西北雨來時

過徐橋

老岸石闌曙色分只疑身是入山雲十年往事不回顧
百里清泉如可聞人世誰教有長路坤靈終亦化塵氛

興亡更遣陂塘在幾欲悲歌酒未醺

白溝

寶符藏山自可攻兒孫誰是出羣雄幽燕不照中天月
豐沛空歌海內風趙普元無四方志澶淵堪笑百年功
白溝移向江淮去止罪宣和恐未公

登武遂城

神州英氣鬱高寒臂斷爭教不再連千古傷心有開運
幾人臨死問幽燕平生卧榻今如此百萬私錢亦可憐

咫尺白溝已南北區區銅馬為誰堅

望易京

亂山西下鬱宮堯還我燕南避世謠天作高秋何索莫
雲生故壘自飄蕭誰教神器歸羣盜只見今人泣本朝
莫怪風雷有餘怒田疇英烈未全消

七月九日往雄州

秋聲浩蕩動晴雲感慨悲歌氣尚存灑落規模餘顯德
承平文物記金源生存華屋今焦土忠孝遺風自一門

白髮相逢幾人在蒼煙喬木易黃昏

宿華陽臺

石徑盤盤擁亂霞雲間雞犬是誰家
空山月出人境失高樹露涼秋氣加
蜀道青天休種杞武陵流水漫尋花
太行東北三千里盡借晴嵐染鬢華

飲聞雞臺

出門人事厭紛紛春色三分已二分
十步離山九回顧一杯到手百無聞
蒼茫天地有如此磊落古今何獨君

欲向荒臺問遺跡水明沙浦只行雲

玉乳峯

亂山如擁欲爭先惟許孤峯入馬鞭舊見劒光曾犯斗
誰教箭筈亦通天只應絕頂千年石中有齊州九點煙
安得凌風乘此去東遊滄海看桑田

唐張忠孝山亭故基

斷碑藩鎮記當時杯酒談兵少牧之山色何曾間今昔
人才初不限華夸水波風起心猶壯木杪秋生鬢已知

莫更候雲臺上望武陽永黍亦離離

會飲北山

相逢相飲莫相違往事紛紛何足悲別後幾經滄海淺
歸來豈止昔人非此山變滅終如我後會登臨知與誰
今古區區等如此不須辛苦歎斜暉

秋郊

行過青林徑欲還誰家茅屋在林間雲初湧出半含雨
風漸吹開微露山世味嘗來知嬾貴物華老盡覺秋閒

天開勝境為詩敵未許幽人穩閉關

對菊

迂疎不辦一身謀鬢髮空添四海憂
畫本流民今復見詩家逃屋為誰留
黃茅安得千間厦白布空歌萬里裘
政有南風曲中意可能獨醉菊花秋

城樓待雨

雨入江樓勢欲吞雷轟何止語難聞
未憂彼岸將為壑只恐吾山盡化雲
風伯為誰能却敵物華依舊歎如焚

百年人事今如此
猛拍闌干怨夕曛

積雨

萬象何為入杳冥
懸知物外自高明
前年憂旱有今歲
半月閉門如一生
捧日漫勞中夜夢
補天誰識寸心誠
陰雲政使高千丈
坐愛魚頭恐未平

海南鳥

越鳥羣飛朔漠濱
氣機千古見真純
紇干風景今如此
故國園林亦莫春
精衛有情銜太華
杜鵑無血到天津

聲聲解墮金銅淚未信吳兒是木人

白海青

一名玉爪駿

扶餘玉爪舊曾聞青鳥猶霑海氣昏掌上風標有如此
眼中神駿更憐君平蕪未灑頭鵠血春水誰開獵騎門
過鴈昏鴉莫回首霜拳高興在空雲

反垂柳短吟

偃蹇高松雪漫飛最憐憔悴綠楊枝青絲曾識鶯聲軟
黃葉俄驚馬足遲有分只偷春色早無心要結歲寒知

不應再得東風力更與行人管別離

寄彥通

青島白飯思悠然燈火山亭暮雨前不意相思渾百里
直教一別動經年久甘分席樵夫下敢望過門長者先
自是煙霞愛招客可無佳句助清妍

付阿山誦

十畝荒田不自耕半空樓觀幾時成人因遇困方言命
我為求奇反喪名此去要知燈是火向來空指鴈為羹

新詩銘在山童口百過高歌告乃兄

送人官淞西

江海十年幾戰酣劫灰飛盡到耕蠶亂翻文物想猶在
彫敝徵科恐未堪眼底興亡即今古胷中形勝欠東南
因君漸有扁舟興佇待清風洗瘴嵐

薔薇

色染女真黃露凝天水碧花開日月長朝莫閱兩國

絕句

溪童出門望鷗鷺滿空下江水淡無情盡是忘機者

溪橋步月圖

山中有幽人獨步溪橋月莫問興如何披圖亦清絕

春露亭書

老樹含春容寒泉動幽響念彼山中人風露恣清賞

書事三首

當年一線魏瓠穿直到橫流破國年草滿金陵誰種下

天津橋畔聽鸛鵒

卧榻而今又屬誰
江南回首見旌旗
路人遙指降王道
好似周家七歲兒

唱徹芙蓉花正開
新聲又聽采茶哀
秋風葉落踏歌起
已覺江南席卷來

讀史漫題

眼底權奸漢室空
伯喈文舉亦才雄
王畿廟號關何事
亦在區區論建中

靜修又有讀史評一首云紀錄紛紛已失真語言輕重在詞臣若將字字

論心術恐有無邊受屈人此真善于論古者

孫尚書家山水卷

扁舟老樹傍蒼崖好似今秋雪嶺迴
試問黃塵山下渡幾人曾為看山來

郭氏家山圖

鹿門煙影接隆中翁媪通家社酒紅
只有山童最神駿舊曾牀下拜龐公

睡起

晚醉城南不記回虛簷高枕藉莓苔
酒醒涼意瀟瀟在

應是前山送雨來

卽事

雲白天青浩不收
雨晴山色欲無秋
淡煙衰草闕何事
落日紅波空自愁

山寺早起

松窓一夜遠潮生
斷送幽人睡失明
夢覺不知春已去
半簾紅雨落無聲

萬壽宮館舍

來時殘雪點征衣
落盡庭花尚未歸
夢裏不知身尚病
春衫歸路馬如飛

寄楊晉州二首

曾是吾鄉舊幕官
秋風碧水記紅蓮
而今却憶當時事
回首驚看二十年

南州選舉數三楊
中統衣冠半在亡
明日朝廷訪耆舊
不應白首尚為郎

郭翁詩

并序

下拾遺

以

翁名恩本相人少為輪扁業亂後流寓保定年
今近九十矣早與其兄相失後聞其居河南老
無所依翁乃三往迎之及至奉事惟謹與同寢
處翁家貧素無僕御其兄卧病翁親為浣滌廁
牖其兄臨終嘗以遺骸歸柩為託而翁亦極力
以成其志郡中諸老人與翁年相若遊相好者
數數為予道翁行事如此予感歎不已為作是

詩

佳木交清陰欣然動人意況聞翁之風能不有生氣此
翁少有兄干戈鄉縣異哀鳴念羈孤相思勞夢寐自誓
畢此生復爾歡聚遂千里三往還竟扶籃輿至夜雨一
方牀春風滿天地家無十歲僮百役一身寄效兒浣廁
踰代婦理中饋生忘惻獨憂死免道路棄關河隅故丘
走送徇歸志大義今已全初心始無媿翁本不識書所
知惟藝事作詩美翁賢亦以警士類

重遊北溪分韻得暉字

蒼黃淡野色草樹含清暉林居隱蔥蒨晴嵐散霏微歸
雲有真意鳴禽發天機勝處必深會輕觴豈虛揮山泉
來何從北望空依依

呈保定諸公

燕垂趙際間人物瑩珪璋諸侯舊賓客一郡宗賢良士
窮叫知己人渴思義漿諸公且勿嗔賤子伸餘狂駟幼
有大志早遊翰墨場八齡書草字觀者如堵牆九齡與
太玄十二能文章遨遊墳索圃期登顏孔堂遠攀鮑謝

駕徑入曹劉鄉詩探蘇李髓賦薰班馬香銜官賓屈宋
伯仲齒盧王斯文元季徒我當拜其旁呼我劉昌谷許
我參翺翔眼高四海士兒子空奔忙俗物付脫略壯節
持堅剛前年脫穎士我我勢方颺欲求伸汨沒今反墮
渺茫少小嬰憂患痛切摧肝腸零丁歎孤苦片影弔倉
皇溺身朱墨窟人事如冰霜高才日陵替壯志時悲傷
駑駘欺赤驥鴟梟笑鳳凰妾婦妒逸才浪甯讒舌長紛
然生謗議鋒豈不可當不忍六尺軀縮項俄深藏諸公

富高義刮垢摩我先去留從所適爽氣生西郎

同仲實南湖賞蓮醉中走筆

湓江泔寒風露涼安得置我濂溪堂香塵縹緲芙蓉裳
百年得此南湖張舉杯人勝境亦勝有蓮以來無此香
蓮香隨酒來詩腸得句驚起幽禽翔幽禽隨人作殢態
意欲和我風雩狂人間一味清到骨兩足暫付吾滄浪
螟蛉螺贏卿且去醉眼太華雲間蒼

記夢

天風吹雲送星槎蒼鱗道前牽紫霞鳳凰呈舞月妃和
飄飄來自金母家金母臨行有奇贈玉簫瑤管聲清佳
囑我醒時無泄露恐世知予生諠譁明朝夢覺莫驚怪
異香冉冉浮窓紗

早發高黑口號

蒼月瘦黑風酸枯梢老竅號空山東方未動天發黑迷
途客子迴征鞍冰髯壓脣帽簷側耳輪霜醉鼻尖寒中
原年少燕南道功名未了黃塵老黃塵老馬上神州依

舊好

虞帝廟

四顧莽何際威靈儼若臨山川尚醇樸天地自高深鳳
鳥千年歎簫韶三月音玄功久無復徒抱致君心

登保府市閣

十載雞泉隱今朝市閣晴民謠混諸國里號帶軍營瀛
海依依見堯山隱隱橫懷今與思古獨立若為情

寒夜

肝膽了無寐襟懷誰與同
更長頭可白燭暗火逾紅
硯滴冰生癭星流氣吐虹
林鴉先我起鳴噪竟何功

送成從事

易水河梁夢回頭已十春
相逢驚我老送別向君頻
求贈攀前例將詩認故人
故山松菊在歸去未全貧

哭張之傑

義許同生死奪君何遽然
無人共清夜有淚奠黃泉
苦疾求予禱遺孤託我憐
傷心墓頭字旌孝看他年

予題其墓

道為張

孝子墓

獨立

恒岳精英大直衝
昂畢星初疑元氣白
橫界太虛青欲與
河漢共不隨霜露零
相看一杯酒連夜立
中庭

渡白溝

薊門霜落水天愁
匹馬衝寒渡白溝
燕趙山河分上鎮
遼金風物異中州
黃雲古戍孤城晚
落日西風一鴈秋
四海知名半彫落
天涯孤劍獨誰投

遂城道中

鐵城秋色接西垣
遠客還鄉易斷魂
霸業可憐燕太子
戰樓誰弔漢公孫
冷煙衰草千家塚
流水斜陽一點邨
慰眼西風猶有物
太行依舊壓中原

避暑玉溪山

風露撩人儘力清
也應知我到禪局
秋聲滿谷有生氣
山意帶煙成遠形
皎月欲升天失色
白雲初出樹留青
他年若訪經行處
合有先生避暑亭

留題山房

靈風縹緲竹花飛怪石參差樹影齊
壺裏有天藏日月杯中無海飲虹蜺
松生太古鶴應識路入白雲山盡低
萬里黃塵一回首微茫煙水意悽迷

春遊

巧穩林亭無四鄰背山向水得天真
風光正及二三月童子同來六七人
十日得閒須小醉一年最好是深春
鳥聲似向花枝說曾見無懷有此民

夜坐有懷寄故人

幾葉疎桐萬斛秋
四山清露一窓幽
高情千古謝安石
壯志平生馬少游
有錯真成六州鐵
欲還空說大刀頭
悠悠且付天公在
未必蒼生待爾憂

賦孫仲誠席上四杯

仲誠命題
彥通舉韻

隴鳥回頭意若何

一作注瓦傾
銀竟若何

剗腸欲我鑑紅螺

一作紅珠

元稱卷
金螺

微茫山意詩痕在
濫潁江聲飲興多
聖處已分

糟與蟹醉來唯見酒
成波千年醒殺江魚

一作魚蝦

腹應恨

生身在汨羅

一作且莫乘
流問汨羅

右螺

碧筩和露卷晴霞

一作江鄉雲
錦爛晴霞

錦浪隨鯨

一作海
浪鯨魚

落晚

沙風趁歌聲來弄葉

一作煙影橫
橋波留月

酒知人意要浮花

一作

露香芳酒
淺浮花

胷中壁立

一作風
流玉井

三峯玉

一作夢

醉裏神遊

一作

浩蕩
連舟

太一家明日清

一作秋

霜看

一作減

紅翠人生容易

一作

休
遣鬢成華

右荷

希夷尊俎永相望混沌鑿開見此觴金

一作霜

橘有天容

逸老青田

一作金橙

無地避餘香雲中招隱

一作人間玉母

留仙掌

一作種

物外尋真得

一作秦人有

醉鄉試向峩眉問唬鳥

一作試看

緊累花

人間

一作莫教

紅雨幾

一作怨

斜陽

後蜀紀劉先祚進桃核杯云得之華

下塚

山陳搏邵康節謝人惠希夷尊詩有仙掌峩嶢峭不收

希夷去後遂無儔能斟時事高擡手尊酌人情略撥頭

之句

右桃

瀟湘千樹莫林

一作雲

平風露詩腸快一傾蜜戀金絲仍

可意香分綠蟻最關情

一作香尋翠袖亦多情

洞庭

一作江陵

春色元

無恙南國幽姿漫濁清

一作楚澤幽蘭恐未清

惟辦

一作雅有

酒船千

一作二

萬斛棹歌和月卷江聲

一作南飛齋和凱歌聲

右橙

即席以韻課諸生東齋諸物

錄五

遠山筆架

飛字

何物能支筆萬鈞
案頭依約遠山痕
燈橫煙影隱猶見
秋入霜毫勢欲吞
掌上三峯看太華
人間一髮是中原

中書未免從高閣不向林泉怨少恩

梅杖

枝字

鐵石心腸冰玉姿掌中潛得歲寒枝
天教一握藏春密風覓餘香就手吹
雪月冷懷隨步履溪山高興入支頤
玉堂若要扶持用說與東君也不知

醉梨

寒字

白雪春香洗未殘玄霜誰遣凍成團
凍封圓顆盤增滑蜜和濃漿齒避寒
綠蟻從今忘病渴金花無地著餘酸

快人風味依然在莫作尋常軟熟看

玉簪

香字

花中冰雪避秋陽月底陰陰鎖暗香玉瘦每憂和露滴
心清惟恨有絲長且留宛轉團沈水莫遣聯翩入粉囊
只許幽人太相似蒼苔疎雨北窻涼

秋蓮

空字

瘦影亭亭不自容淡香杳杳欲誰通不堪翠減紅銷際
更在江清月冷中擬欲青房全晚節豈知白露已秋風

盛衰老眼依然在莫放扁舟酒易空

盆池

青蛙昨夜聖來鳴斗水那容掉尾鯨白髮驚魚應百我
扁舟捉月記三生荷風拂面秋先覺苔露生波晚更清
我欲江東鑑湖老天河早為洗南兵

黑馬酒

仙醪誰誇有太玄漢家祠馬亦空傳香來乳面人如醉
力盡皮囊味始全千尺銀駝開曉宴一杯瑤露灑秋天

山中喚起陶弘景
轟飲高歌救勒川

次韻荅河間趙君玉見寄

出門紛擾互相尋
常使幽人嬾病深
前月借書來水北
去年采藥到城陰
黃精已倩徐生斲
蒼术新教石老尋
只有煙霞肯賒借
無人曾送買山金

憶郝伯常

一檄期分兩國憂
長纓不到越王頭
玉虹醉吸金陵月
玄鶴孤遊赤壁秋
漠北蘇卿重回首
天南王粲幾登樓

飛書寄與平南將
早放樓船下益州

早起

饑鼠號多似訴愁
破囊空慣已無羞
閒來點檢幽居事
鷓鴣聲中又一秋

宿洪崖觀

雲山不受壯心降
無限西風撼客窓
應是夜深知月出
却收風雨入清江

雪嶺遇雨

天為西遊餉我晴野花
嘯鳥效平生今朝雪嶺初逢雨
應是郎山帶帽迎

土人語云郎山帶帽十日無道

故園寒食

一坏新土寄餘哀
故老相邀信步來
行到水西邨盡處
桃花無數未全開

聞角

人間無物比悠揚
誰道一聲隨夜長
餘哀到曉無尋處
吹作南湖十里霜

霜落

霜落清江一夜秋，覺來明月滿江樓。
酒醒人散夜將半，花上烏啼空自愁。

戲題李渤聯德高蹈圖四首

庾廖吹罷補麻衣，習取禁寒抗老饑。
幸自伯鸞無識者，對人不必紫齊眉。

求人諛鬼果何為，翻憶謀親入仕時。
寄謝韓公莫相挽，

山妻元不解啼饑。

一見遺詩作江湖魏闕有心期，莫怪先生起太遲。寄謝移書韓博士，山妻

元不解

啼餓

倫理天生有自然莫言家累損清閒何人會我圖中意
說似陽城與魯山

諸生課罷弄煙霞紡績乘閒為煮茶白鹿高風有誰繼
草堂貧女晦菴家

雨中聞雲溪不在

燈火幽窓擬對談十年不到二龍潭白雲吹作山前雨
應報高僧不在菴

新居

雪擁閒門儘未除
小齋人道似禪居
年來日歷無多事
只有求方與借書

雜著集陶句二首

人生豈不勞終古
謂之然孰是都不營
早起莫歸眠過足
非所欽躬耕非所歎
但使願無違甘以辭
華軒正爾不可得
在已何怨天自古有
黔婁被服常不完
榮叟老帶索饑寒
況當年何以稱我情
賴古多此賢


善惡苟不應鬼神昧茫然是非苟相形行止千萬端世
路廓悠悠聊且憑化遷居常待其盡任真無所先詩書
塞座外弱子戲我前親戚共一處餘糧宿中田促席延
故老斗酒散襟顏聊以永今朝百世誰當傳

集杜句贈王運同彥材

霄漢瞻佳士公侯出異人家聲同令聞文雅見天倫玄
朔巡天步危樓望北辰燕王買駿骨黃閣畫麒麟妙譽
期元宰蒼生倚大臣蛟龍得雲雨鵬鶚離風塵治國明

公在雄圖歷數屯世儒多汨沒賢俊贊經綸開闢乾坤
正調和鼎鼐新弼諧方一展風俗盡還淳經濟宜公等
泥塗任此身尊榮瞻地絕感激異天真交態遭輕薄浮
生有屈伸嗟予意輒軻撫迹獨酸辛留滯才難盡蒼茫
興有神形容真潦倒世業豈沈淪倚著如秦贅逢迎念
席珍壯心久零落敗績自逡巡載感賈生慟難甘原憲
貧邵平元入漢王粲不歸秦回首軀流落生涯脫要津
稻粱求未足台衮更誰親碧海真難涉蒼鷹愁易馴君

能微感激何處不依仁



元詩選初集卷六

欽定四庫全書

集部

元詩選初集卷八

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

膳錄監生臣暴煊

欽定四庫全書

元詩選初集卷七

庶吉士顧嗣立編

紫陽居士方回

回字萬里別號虛谷徽州歙縣人宋景定壬戌
別省登第提領池陽茶鹽累遷知嚴州元兵至
迎降即以為建德路總管尋罷徜徉杭歙間以
老虛谷傲睨自高不修邊幅賈似道敗嘗上十
可斬之疏晚而歸元終以不用乃益肆意於詩

吟咏最多亦不甚持擇也其自序桐江續集云
予自桐江休官閒居萬事廢忘獨於讀書作詩
未之或輟是時年已六十餘矣仇仁近嘗贈詩
云老尚畱樊素貧休比范丹頗為時論所笑嘗
選唐宋以來近體詩評論之名曰瀛奎律髓於
情景虛實之間三致意焉而尤以山谷后山簡
齋為標準海虞馮定遠曰方君所娓娓者止在
西江一派觀其議論全是執已是以繩縛古人

無礙之才圓變之學曲合於拘方板腐之輩吾
恐其說愈詳而愈多所戾耳此言可謂深中虛
谷之病矣

出馬家塢

野迴夏無暑塢深朝更涼路隨流水轉山背古城荒縣
宇敔紅閣僧菴缺粉牆暗驚兵亂後猶有數蓮塘

次韻汪翔甫和西城呂全州見過

想見花開路籃舁草草裝叩門馴犬喜入室蠹魚香躡

石苔粘屐眠松露滴牀焉知人世事積甲又宜陽

八月初二日

蟬聲漸漸怯西風閒撚青枝翫菊叢老去一身都是病
寤來萬夢總成空喜分果餌小兒女浪費薪蔬頑僕僮
嚴瀨家人報船至更營樽酒惱衰翁

次韻張耕道喜雨見裏燕呈趙賓暘

疲氓多菜色去守乏棠陰屬慮千峯旱俄聞六月霖
灘船欲澁茗務井還深香潤迴瓜圃聲酣起蔗林炎官

初恣肆道暘稍侵尋畏日方焦野油雲忽冒岑此涼甦
萬病厥價倍千金解郡雖逾歲留家尚至今田登欣米賤
屋老懼書淋遙念兒衣醯兼虞婦竈沈淒涼傳古調憂
悶豁煩襟拭汗紕練悅搔頭斷玉簪却思穿石罅共坐
聽泉音韭脆鮮鱗縷梅芳煮醞斟一江同照影兩地隔
論心疑雪佳公子輸君日對吟

睦有近城灘民以船載
磨治麵城中茶場大井

汲者衆故有麵灘船若務井乏句趙賓陽和子雨衣
詩兒童疑有雪頻起穴窗看故有疑雪佳公子之句

重陽吟五首

并序

興有不同而皆極天下之感君子以之冥心焉
陶淵明曰閒居愛重九之名此閒寂之極感也
蘇長翁曰菊花開時即重陽此曠達之極感也
潘邠老曰滿城風雨近重陽此衰謝之極感也
呂居仁曰亂山深處過重陽此羈旅之極感也
予不肖何足以跂前人嘗有詩曰干戈叢裏見
重陽此亦亂離之極感也世人徒賞邠老之句
竊意其未必得斯句之意姑隨聲附和耳予癸

未之歲適遇閒居重九私念平生五感俱集遂
吟為五解而弔影以歌之重九前五日方回序
射蛇戲馬老劉郎不為乾坤滅戰場三徑寒華空悵望
閒居無酒對重陽

心炎何處不南荒瘴海煙深有玉堂隨地著身無得喪
菊花開日即重陽

此身生死國興亡搖落年年本是常無奈潘郎解悽怨
滿城風雨近重陽

金匱要略卷七
衣冠南渡紫微郎流落天涯事可傷不是詩人終不會
亂山深處過重陽

戰塵漠漠草荒荒兵過村空菊自黃死盡親知身偶在
干戈叢裏見重陽

秋晚雜書十首

昔聞有烈士哀歌缺唾壺衰莫心不已徇名殆忘軀我
老詎復爾一壑不願餘外物百無嗜惟喜讀我書空樽
已絕漚寒庖僅微蔬兒啼得非餒塵編聊自娛敝廬匪

無山猶茲寄城隅車馬不至處願言遷林居

賦詩學淵明詩故未易及飲酒慕淵明酒復罕所得荒
涼數畝園卜築未成宅此或類陶家秋菊亦可摘古稱
士希賢將無肖厥德如我於柴桑往往似其迹儲粟既
以瓶子尤不勝責有時醉欲吟全集索逋客

堂堂陳去非中興以詩鳴呂曾兩從橐殘月配長庚尤
蕭范陸陽復振乾淳聲爾後頓寂寥草蟲何薨薨永嘉
有四靈詞工格乃平上饒有二泉旨淡骨獨清學子孰

取舍吾非私重輕極玄雖有集豈得如淵明

尤蕭范陸楊尤遠初

蕭千岳范石湖陸放翁楊誠齋也千岳名海藻字東夫誠齋盛稱其詩謂尤蕭范陸四靈趙師秀紫芝翁卷靈舒徐照道暉徐瑛文淵也卷字靈舒故亦以照為靈暉瑛為靈淵師秀為靈秀云

吾家一何奇奇峯照南窗是為紫陽山萬木青挺挺上有出岫雲下有見底江江清雲無心伴此眉宇龐詩思忽飛來時有白鳥雙落日澹秋色寒溝度枯杠歸歟書屋夜昏燈剔幽缸懷人良未遠遜翁生是邦

竊嘗評少陵使生太宗時豈獨魏鄭公論諫垂至茲天

實得一官主昏事已危脫命走在所窮老拜拾遺卒坐
鯁直去漂落西南垂處處苦戰鬪言言悲亂離其間至
痛者莫若八哀詩我無此筆力裹抱頗似之

人言太白豪其詩麗以富樂府信皆爾一掃梁隋腐餘
編細讀之要自有樸處最于贈荅詩肺腑露情愫何至
昌谷生二雕麗句亦焉用玉溪纂組失天趣沈宋非不
工子昂獨高步畫肉不畫骨乃以帝閑故

六經天日月諸子如四時史自班以上語奇文亦奇踵

武蔚宗輩語有文無之小宋刊新唐不悟宵寐規以藝
傳李杜待之無乃卑他人有遺集一覽不再窺惟此與
韓柳咀嚼無厭期儕彼楓落生吾欲鐫此疵

道自漢魏降裂為文與詩工詩或拙文文高詩或卑香
甌假山序不妨自一奇齟齬多骨核乃至肆詆訾恭惟
陳無已此事獨兼之五七掩杜集千百臻秦碑四海紫
陽翁歸美豈其私所以此虛叟取為晚節師

世稱陶謝詩陶豈謝可比池草故未凋階藥已頗綺如

唐號元白白豈元可擬中有不同處要與分朴詭鄭圃
趙昌父潁川韓仲止二泉豈不高顧必四靈美鹹潮生
薑門蝦蟆以為旨未若玉山雪空鑪煮荒薺

三月三十日唐有窮詩人惜春不肯舍共坐夜達晨此
得守歲意事愚意已神寸陰以分計一分直千困竊慮
假寐頃倏忽失我春今此九月晦虛與尤酸辛搖落始
云悲迴首忽復陳詎忍棄菊舊迹喜迎梅新

虛谷云宋刻五代舊習詩有白體崑體晚唐體白體
如李大正徐常侍昆仲王元之王漢謀崑體則有楊

欽定四庫全書

卷七

七

劉西菴集傳世二宗張平崖錢僖公丁崖州皆是晚唐體則九僧最逼真寇萊公魯三交林和靖魏仲先父子潘道遠趙清獻之徒凡數十家深涵茂育氣極勢盛歐陽公出焉一變為李太白韓昌黎之詩蘇子美二難相為頡頏梅聖俞則唐體之出類者也晚唐於是退舍蘇長公踵歐陽公而起王半山備衆體精絕句五言或三謝獨黃雙井專尚少陵秦晁莫覓其藩張大潛自然有唐風別成一宗惟呂居仁克肖陳後山棄所學學雙井黃致廣大陳極精微天下詩人北面矣立為江西派之說者銓取或不盡然陳簡齋曾文清為渡江之巨擘乾淳以來尤范楊陸蕭其尤也高古清勁盡埽餘子又有一朱文公嘉定而降稍厭江西永嘉四靈復為九僧晚唐體日淺日下然尚有餘杭二趙上饒二泉典刑未泯今學詩者不于三千年間上濬下沿窮探遠索而徒追述近世六七十年間之所編非區區所敢知也虛谷之論宋詩詳矣

然其大旨則躋西江而眺晚唐馮定遠曰西崑之流弊使人厭讀麗詞西江以麤勁反之流弊至不成文章矣四靈以清苦唐詩一洗黃陳之惡氣味粹面目然間架太狹學問太淺更不如黃陳有力也馮已蒼曰方公律隨一書於大段未十分明白只曉得江西一派惡知見且不知杜入何知杜之所從來又何論庾鮑而上至漢魏乎獨於今世不論章法不知起結如竟陵空同諸派彼善於此耳

次韻劉元輝初寒夜坐

并序

元輝示新詩其初寒夜坐有云四壁兒糊如暖障一燈妻占補寒衣清灑有味因獨和此一篇

為謝

山肩寒聳月隨歸櫓
杜爐紅閉板扉跨竈郎來溫課冊
齊眉人為摺深衣
花傳喜信燈如語
草就佳篇字欲飛
舊日聲名劉夜坐
能傳家鉢似君稀

偶亦夜坐用前韻

林禽畏冷莫爭歸
水上荒城早闔扉
敲月曾蒸迎阜衲
芥冰供茗喚青衣
斲箕老馬廐中響
瞰燭癡蛾窗外飛
忽報樓頭禁鐘動
平生樂事歎今稀

長安

客從函谷過南州畧說長安舊日愁
仙隱有峯存紫閣僧居無寺問紅樓
蘭亭古瘞藏狐貉椒壁遺基牧馬牛
萬古不隨人事改獨餘清渭向東流

路傍草

野火燎荒原霜雪日皜皜牛羊無可噉
衆綠就枯槁天地心不泯根芽蟄深杳
春風一披拂顏色還媚好如何被兵地
黎庶不自保高門先破碎大屋例傾倒
間或遇茅舍呻吟遺稚老嘗恐馬蹄響
無罪被擒討逃奔深谷

中又懼虎狼咬一朝稍甦息追胥復紛擾微言告者誰
勸我宿須早人生值艱難不如路傍草

題苦竹港寓壁

三十年前此路行來車去馬唱歌聲旗亭沽酒家家好
驛舍開花處處明白羽宵馳四川道青樓春接九江城
如今何事無人住移向深山說避兵

石頭田

晝欲求一淘有竈無竈煙夜欲求一榻有屋無屋椽歷

歷數百里無人居道邊問言何至此我亦為恍然江西
走荆蜀行行三十年鈴卒遞羽檄販夫駢擔肩觀國上秀
士奉使驟達官車馬或相遇徃徃皆衣冠後隴竹未斷
前坡花已妍入肆飲美酒既醉不問錢是時鬢如漆浩
歌無憂端豈謂再至此滿頤霜雪攢尋覓舊題壁脫落
迷榛菅乾淳老前輩間有數字完昔時所見人徃徃沈
重泉翕張孰移幹隆替更變遷雲曖淡竹嶺雨昏石頭
田我僕既已惰我馬復不前慷慨一以思古有行路難

難更莫如今懷古空永嘆

寄彬州孫通守振武聞潯湘將至八桂

南斗之南八桂林
攜琴欲覓舊知音
想君湘水花邊路
識我衡陽鴈外心
偏側甲兵詢動靜
艱難書問畏浮沈
相煩為報真消息
莫待春江柳色深

湓城客思

客裏歷落事多違
嘆息流光似箭飛
雪後萋蒿初薦酒
花前蛺蝶欲穿衣
熟知江水磨今古
難向春風問是非

悵望廬山但愁絕萬重雲鎖幾禪扉

登高臨大江

客思忽不樂登高臨大江風湍睥遙席雲岫思幽窗淮
萸昔未茁廬瀑今已涼我本休官人曷爲栖是邦中腸
有所思所思渺天末戎倣融古雪波浪日以闊西從巴
硤下南與洞庭合身無黃鵠翅九疑不可越宿負子錢
急歲收南畝稀兒女望我還豈不歌式微髣髴漢陽樹
突兀吳王磯佳音或楚然未忍輕言歸鄰牆善著翁盍

往決咎鬼神素所昧忠信詎云忒聚糧別里門業已
掉臂出小俟麥風涼馬蹄患不疾

晚春客愁二絕

春老魚苗動江肥雪水來大孤山下路何日汎舟迴
十載干戈後辛勤薜牡丹豈知身是客借與別人看

過湖口望廬山

江行初見雪中梅梅雨霏微棹始迴莫道無人肯相送
廬山猶自過湖來

虛谷志歸十首

錄四

聞我解征鞍相看喜復歎主貧奴僕傲兵起道途艱藥
許缺鍾乳花先問牡丹親朋聊共醉老幼幸俱安

浪走千山外乾忙四月餘隔離分濁蟻共座擘枯魚婢
瘦慵施粉兒頑失寄書少陵亦曾爾來徃浣花居

共道歸何晚猶能喜欲狂幼兒初拜揖癡女僅梳妝有
筆修花譜無錢闢草堂新添竹踰百風徑細尋香

衰晚真當戒疎慵竟未能病專從酒得謗輒為詩興每

悔居城市常思絕友朋誰來敲竹戶又見醉吟僧

次韻志歸十首

錄四

老不任時棟窮猶宅士鄉端能甘澹泊未覺厭荒涼古井深泉冷閒庭異草香田翁來問字畧為說偏傍

癡與狂皆有貧兼病亦應屢嘗三斗醋不夢一條冰買藥憑船賈分茶謝塚僧短衣射猛虎老矣竟無能

解語鶯能巧交飛蜨許狂苔紋深翠毯榴靨競紅妝麝已成幽圃猶當築小堂未妨無暑藥熟水紫蘇香

譙國資深入彭門納晚成至今為癖習自幼有常程朽
老寧孤瘦飛揚勿剝輕懸知千載士肯競一時名

雨涼曉思

一榻涼如水空山夜雨聲病身筋骨在往事夢魂驚老
壽知何益憂危半此生吾窮終不怨稍已竊詩名

秀亭秋裏四首

秋風西北來一夕幾萬里湛湛長江風落葉逝流水自非
貞勁草顏色槁欲死時當蟄蛟龍么麼况螻蟻寒瑾非

金少曰
卷七
不可旨蓄焉所恃空褚乏裳衣敝絮誰與理陽春何日
還悲哉遠游子

一室局戶牖古籍勤討刪鬱鬱忽不樂扶杖登東山莽
蒼何所極秋色天地間我欲出塵世黃鵠無由攀憂端
從空來律斲未易宣意闊步武窄四顧盡險艱不如復
我所陶此靈府閒

家富敵萬乘吾嘗見其人生死握國柄不復如人臣自
謂磐石安埽滅隨埃塵豈不恃狙詐缺用禍爾身爾身

一腐鼠原野何足陳歌姬事別主畫堂生荆榛我嘆匪
為此遺禍殃齊民

老懷幸無事何用知秋風團團烏柏樹一葉垂殷紅為
此有所感長吟敲虛空城市了在目心隔雲萬重燕席
鼓吹急游騎呵殿雄亦各適雨適擾擾塵堞中焉知天
地外有此頽然翁

憶我二首各三十韻

憶我幼時事南歸自番禺三邊已頽洞內郡猶無虞故

居山城間四面關闕區東西萬貨集朝莫百賈趨諸父
領賓客衣冠一何都觴豆日談笑往往皆缺儒北屋有
高樓其上娉婷姝俠少喜酒錢歌呼間笙竽無何鬱攸
作一夕化為墟朝廷易楮幣百姓駢嘆吁物價漸踴貴
饑剝多流俘我家衆長上生近乾淳初曰此風俗降歲
歲有不如老者遷化去少者分馳驅生理亦艱窘口腹
各自圖書囊裏筆硯扁舟落江湖苟且祿仕齒荏苒歲
月徂乍得返鄉里驚怛心若剗前輩盡黃壤小兒皆白

鬚屢火不一火坊巷非舊間上塚享亭仆訪寺詩壁汗
向之紅粉面蟻穴蠲體枯乃知宇宙內萬有皆空虛我
生逼六十偶幸全頭顧身缺大兵革一思一歎歔懷舊
夢恍惚弔往腸鬱紆六十年間事歷歷尚可摸我所見
之人百萬泉下俱神仙謂不死終久歸於無寄語肉食
子無以智誚愚

憶我弱甫冠束書如錢塘中興百廿載行都滋浩穰雖
已劣乾淳尚可云小康巴蜀駭破碎淮襄傳擾攘腹心

輦轂地按堵如故常於時數萬士雲集升上庠草茅起
窮谷拭目觀國光出門不識路天街何其長俠士劇燕
趙佳人^缺姬姜五鼓夜燈燭萬樓春絲簧吳米白如雪
奚啻千斯倉縹緲湖山間畫船嬌紅妝六橋楊柳岸荷
花雲水鄉四時無不宜莫若僧夏涼小儒苦乏貲冷眼
看豪強託迹朝士館竊脫鵷鷺行臺評或非是廟論有
不臧相與讀邸報憤悶填中腸僥倖江漢靜姦兇殛災
荒禮闈采芻言始得伸名場豈謂邊功相曾不監彼狂

驕淫無比倫虐毒尤披猖未聞古天子買田自置莊羣
小附鬼域國脈內已戕蝨目頗有膽四被言者章最後
得拜疏逋誅逃維揚萬古木綿菴不愧趙韓王草茂復
古殿雨淋集賢堂青史孰可缺此心神傷焉得陸士
衡復與作辨亡

二月十五晚吳江二親攜酒

今日山城好事新客來誇說齒生津喜晴郊外多游女
歸莫溪邊盡醉人鮮筍紫泥開玉版嘉魚碧柳貫金鱗

一壺就請衰翁飲亦與花朝報荅春

春晚雜興四首

豈有邪溪父老錢無朝無莫在樽前櫻桃豌豆分兒女
草草春風又一年

溪魚山筍佐新筍大勝長安上酒樓春老猶寒宿醒困
酴醾花下擁綿裘

城市塵埃不見詩西村東塢可尋誰夏前十日嘗新麥
是江南最好時

芳草茸茸沒屨深
清和天氣潤園林
霏微小雨初晴處
暗數青梅立樹陰

殘春感事二首

登高高處望萬嶂
一溪橫不滿千家
市今休十載兵訓
狐號永夜猛虎迫
荒城此亦關人事
憂端未易平

春雨溪橋斷才晴
又淺流端能操古
節何至墮窮愁馮
衍嘗為郡田豐不
願侯吾兒猶未解
餘子復奚尤

七月十日有感

十年前此日視篆上嚴州借服初金佩綦冠尚黑頭乾
坤誰失馭江海已橫流保土雖無恙忘家弗自謀寒門
驚瓦裂癡子困萍浮追憶危阤急都忘屈辱羞衆推真
膽大孰察暗眉愁盜賊誅鋤定租傭減閣優民功差稍
稍已事太悠悠綿薄稀儲峙貪婪安取求冥襄隨命運
失意起冤讎屢跋三關馬更乘四瀆舟
謂江淮河濟皆至今黃河入淮
長城青塚月大漠黑山秋甫息臺卿擔空餘季子裘解
官終欠早破產復奚尤醇栢悲先隴畦蔬偃故丘信書

無一得負債有千憂倒篋衣俱典連牀藥未瘳不如窮
百姓何謂古諸侯公論誰詩可蓮花博士儔

秋到

秋到山居僻貧居異味嘗擘黃新栗嫩炊白早秈香漸
減家人病徐添夜氣涼憑誰理荒穢籬落菊苗長

估客樂

爲吏受賕嬰木索漢相忽遭東市斫不如估客取邪贏
居貨罔人人不覺布素寒儒守鄉學夜夜孤燈同寂寞

不如估客醉名倡百萬呼盧投六博估客樂哉真復樂
大舶飛山走城郭珊瑚未數綠珠樓家僮多似臨邛卓
十牛之車三百車雪象紅牙水犀角養犬餵肉睡氍毹
馬廐驢槽亦丹腹生不羨鳳皇池死不受麒麟閣估客
樂哉真復樂邇來六月錢塘潮一估傳呼千估愕大風
來自度朔山吹倒岷峨舞衡岳一江一日殞千艘四海
五湖可隄度諸寶下輸龍王宮鰕蟹龜鼃恣吞嚼人言
估客樂估客有時也不樂百年計較千年心不禁一日

風濤惡

近六月浙江風潮失舟六百艘

王十三嶺

澄練平泉水屈盤青蒼松櫟擁峯巒霜晴村落全如畫
一見都忘上嶺難

村女

青荷葉傘茜裙紅隨母歸寧省外翁莫笑梳妝未京樣
兵餘猶見太平風

湧金門城望三首

蕭條垂柳映枯荷金碧樓空水鳥過畧剩繁華猶好在
細看冷淡奈愁何遙知堤上游人少漸覺城中空地多
迴首太平三百載錢王納土免干戈

天迴地轉事雲輪湖葑山榛色漸陳墜珥遺鈿如隔世
敍樓傾榭最愁人一錢物變千錢直十戶民驚九戶貧
猶有沙河塘上路賣花聲作舊時春

風入松詞萬口傳翻成餘恨寄湖煙難尋舊夢花陰地
剩放新愁雪意天戰罷閒堤眠老馬宴稀荒港泊空船

此心擬欲為僧去政恐袈裟未慣穿

趙賓暘唐師善見和湧金城望次韻三首

王芥難修舊月輪淒涼沙鳥犯朱陳
總因燕領多庸將却誤蛾眉事別人
一紀於今兵麤定四民莫若士尤貧
酒壚高李能同醉老眼昏花暫覺春

主人攜妓我題詩三十年如一瞬馳
尚想泊船行馬處不殊銜雪探梅時
相君已抱犧牛悔京兆空餘鵬鳥悲
誰會此衷同向秀夜鄰橫玉起孤吹

丙辰丁巳間魏公
明己為丞郎所謂

同探梅雪時也尋忤丁去
國後尹京忤賈謫死嚴陵

臚唱曾叨殿上傳末班遙望御爐煙
貂蟬公不施霖雨
蟣蝨臣能補漏天羞見稗官成野史
懶攜草具問湖船
舊^缺燈火元宵近無復遨頭夜市穿

次韻仇仁近至日

浪說春迴地底陽
馳裘正怯北風涼
未來事甚雲難測
已老身無日再長
紫邏招魂千里雪
彤庭待漏五更霜
閒人幸脫拘攣外
客枕何庸早起忙

大雲出三橋寓樓

凍雀愁鳶噤不嘩漫天浩瀚逐風斜映樓橫過三千丈
接屋平鋪十萬家靜夜有窗皆貯月寒空無樹不開花
詩成欲撚冰鬚斷聊舉深杯答歲華

朱橋早行

田間夜打稻茅茨耿明燈客行過籬外吠犬似可憎放
馬齧露草小憩寒塘塍坐念今民間貪吏無與繩幸此
歲稍稔庶足供科徵不然豈不窘況乃軍旅興往者孰

栖國未謂杞遽崩偽心感咎徵水旱常頻仍茲獨有年
屢天仁良可憑緩轡忽得句數星陂水澄

秋大熱上七里灘

俗名渴港灘

吾生所未見自古恐亦無秋半不肯涼赫日炎洪爐沸
湍七里灘觸熱乘畏途坐船汗如漿況彼牽挽夫一櫓
合衆力至數十輩俱踏竿氣欲絕沙立僵且枯西瓜足
解渴割裂青瑤膚焉得大冰盤霑丐及此徒僥倖據勢
位極意求所娛願迴君子心畧念小人軀

八月十五日二十日雨至南山飲瀟灑亭

悠悠桐江水寓廬十二年重來六日內兩日登南山南
山有何好高閣西北偏隔江三千家一抹煙靄間閣檻
一巨松挺出衆木前野性所酷愛老藤相糾纏亦如我
與僧相對談幽禪稍遂物外性屢寫酣中篇故侯復齊
民鬢髮成華顛念當舍此去焉得長周旋

初三日水長二丈早行

夜間舟人呼江水溢二丈岸薪隨波流救者何擾攘亥

子十月交地氣不當上十日柱礎汗蠅蚊闕帷幌此時
肯為雪豈不兆豐穰積熱化滂沱傾空瀉盆盎前夕適
醉卧不省船背響濤聲撼醒枕于茲發孤想炎方節候
乖病叟體膚癢遑遑欲何之曷日中園仰星斗猶粲然
曉征發雙槳起視所泊處餘燈煜莽蒼

飲歸

潑灑紅深百盞澆醉歸不覺路迢迢臨分情味慙慙甚
暗遣人扶過畫橋

閏二月十六日清明

日日樓頭柳色濃
年年為客負春風
鶯花時節兵還動
詩酒生涯老更窮
逆料未來猶有幾
懸知所過即成空
故鄉寒食澆松處
亦想兒曹念乃翁

苦雨行

并序

丁亥五月初三日夏至雨已月餘初四五六稍
晴初七夜復大雨至十三日晝夜不止初六米
價十二券初十至十七券十二至二十券市絕

糴民初爭食麵尋亦無之

泥汚后土踰月餘四月雨至五月初七日七夜復不止
錢王舊城市無米城中之民不饑死亦恐城外盜賊起
東鄰高樓吹玉笙前呵大馬方橫行委巷比門絕朝飯
酒壚日征七百萬

十貫為
萬錢

種稗歎

農田插秧秧綠時稻中有稗農未知稻苗欲秀稗先出
拔稗飼牛唯恐遲今年浙西田沒水却向浙東糴稗子

一斗稗子價幾何已直去年三斗米天災使然賈勝真
焉得世間無稗人

木綿怨

并序

故亡國權臣乙亥南竄猶攜所謂王生沈生者
自隨他不止是此二生者天下絕色也漳州城
南木綿菴既殂二生入烏衣樞使家丙子謝北
行其年十月天台破清河萬戶得之挾以俱北
庚辰正月張卒久乃南還謂慣事貴人巧伎藝

拙女功仍願粥為人妾或競闕垂涎惟健者是
歸故寫之古樂府以為世戒焉

湖山一笑乾坤破欺孤弱寡或遷播不念六宮將北行
太師雙擁嬋娟臥角東香豔到漳南爭看並蒂芙蓉過
天兵及頸幸全屍想見駢肩淚珠墮木綿花下痛猶新
已向誰家踏舞茵長頭未及死肉冷折齒遽專妝面春
赤城戰場夜避火萬里人隨燕塞塵肉食酪漿更苟活
不慚金谷墜樓人萬戶郎君遄卒死却自金臺還故里

嗟爾薄命兩佳人三爲人妾亦可已巧畫蛾眉拙針線
空自纖纖長十指後堂執樂換小名更事少年貴公子
憶昔軍中入相時潛搜索邏漁妖姬民間妻女凜不保
何啻如花三五枝曲江近前少陵恐今日總孕他人兒
賤獲淫婢何所知但爲權臣深惜之

過長安市

筭橘租菱小市譁堰頭橋尾約千家人家已盡無人處
時見芙蓉一岸花

過崇德縣

枯柳無風影不搖
敗牆頽屋意蕭蕭
忽然喚醒承平夢
猶有紅闌夾畫橋

聽航船歌十首

錄四

北來南去鴈還飛
四十年間萬事非
惟有航船歌不改
夜深老淚欲霑衣

南到杭州北楚州
三江八堰水通流
牽板船篙為飯棹
不能辛苦把鋤頭

舊航船不過揚子江今直至淮河三江者錢塘江吳淞江揚子江八堰者

杭州蕭公開北閩堰常州犇牛堰呂城堰潤州海鮮河
堰揚州瓜川開而召伯堰小不與其一楚州北神鎮堰

雇載錢輕載不輕阿郎拽牽阿奴撐五千斤蠟三千漆

寧馨時年欲夜行

載音在

南姚村打北姚村鬼哭誰憐枉死魂爭似梢工留口喫

秀州城外鴨餛飩

秀州南至海鹽縣古塘八十里人人帶刀鎌切十二年間私殺官誅骸骨

丘如

留題槃隱高士王子由書齋

萬宇橫陳碧瓦齊濃嵐淡靄總詩題隔江煙樹窗中細

過海風檣檻外低
琴僅可絃星半
缺壁應欲畫雪新泥
南華卧讀兩三卷
猶喜晴簷日未西

雪中憶昔四首

并序

丙辰雪天游湖歌晁無咎摸魚兒今三十二年
乃後亦往來不一所以興懷

憶昔浮蛆醉玉醅
天寒一日飲千杯
危樓擁妓臨晴雪
聯馬呼僧認野梅
豈料暮年紉敗絮
尚容永夜畫殘灰
間關幸脫干戈死
落魄佯狂自可哀

憶昔繁華侶俊游寧知後死挂閒愁無人復唱魚兒曲
何處重尋燕子樓張敞空思前漢尹邵平誰識故秦侯
定應冥漠猶遺恨蔗節瓜犀啓夜丘

魏京尹墓亦
為盜所發

憶昔華年氣似雲雪湖終日醉醺醺室家未有兒和女
賓主相忘我與君豈信亂離生白髮猶思歌笑調紅裙
扁舟一問桃源路治亂當時自此分

予三十一歲丁巳
始生女時程相當

國戊午相丁子從魏
尹如武陵世事頗異

憶昔湖天雪最奇畫船朝出暮歸遲忍寒賞竹憐高節

踏溼尋梅致好枝熟醉何嘗知病酒狂吟所至動成詩
離襪凍雀今相似心欲高飛翅已垂

喜晴行

漂零蹤跡客囊空迅駛光陰歲律窮野次忽驚三夜雪
林端初住五更風斗杓南指天猶黑海氣東昇日已紅
稍借晴光動楊柳歸心肯復後春鴻

曉發富陽縣

長山礮石片帆斜小雨初晴日眩沙回首遙看富陽縣

青煙低罩一叢花

江行大雨水漲

客路由來但喜晴山深何況更舟行孤篷酒醒三更雨
滴碎愁腸是此聲

舟行青溪道中入歙三首

睦州青溪本歙州歙縣之東鄉吾遠祖東漢賢

良方公儲墓在馬汴流而上端石奇怪沈約所謂新安江水至清是也睦改為嚴州歙州改為徽州青溪縣改為淳安縣而歙縣獨存漢時舊名

夜寒如覺有猿吟積翠重蒼萬壑深下水輕舟弦脫箭

盤山細路線穿針

刺桐花發草如藍
欲卸綿袍翦紵衫
一夜春霜忽如雪
江南天氣不宜蠶

蕨拳欲動茗抽芽
節近清明路近家
五日緩行三百里
夾溪隨處有桃花

次韻仇仁近有褒見寄

身歷干戈百戰塵
休官仍似布衣貧
每看事有難尋處
未見心無不愧人
秋稔粥餽猶可繼
夜涼燈火已堪親

閉門讀易吾謀決莫用龜蓍問鬼神

五月二十一夜雨未止六晝夜水漲寇阻無人入

城

晝夜雨滂沱平時變海河地如隨水去天豈厭人多討
叛猶輸粟攻堅未掩戈積陰凝殺氣玄造意如何

有感二首

十年歸把釣魚竿萬變惟憑冷眼看白髮相尋點鬼簿
紫金焉得返魂丹漸驚老舊遺民盡欲問承平往事難

金史卷之七
秋日本未須畏殘暑浙江潮退即天寒

聞故舊
多死者

今沿古泝醉眉攢堪轉輿旋老眼寒晝靜倚楹常獨立
夜深撫几忽長嘆關張運去金刀絕王謝聲沈玉樹殘
欲淬筆鋒剗鬼膽生冤死恨海漫漫

孔府判楚耘嘗宦雲南今以餘瘴多病意欲休官

因讀唐書南詔傳為此詩問其風俗

瑞州人

漢代哀牢種瀘南大渡河其都居善闡有水號牂牁水
相祠諸葛將軍畏伏波石扶碑故在銅作柱難磨古但

羈縻耳今如震懾何一成平六詔萬旅削三戕跣足遑
機弩鬪頭敢荷戈鬼王牽駿馭岷國效文螺梵供花優
鉢經傳葉貝多異香燃篤耨碩果嗽波羅碧鈿懸珠珥
銀鈎摘象馱深秋如夏熱窮臘亦春和霧毒飛鳶墮風
腥巨蟒過已還生定遠猶類病維摩宦思輕髮梗閒心
願澗阿此鄉非瘴土何幸小婆娑

送徐如心如婺源三十韻

之子成春服懽言駕出游殘紅三月路疊翠萬山州夏

后乘輜澤軒皇煉藥丘曠平初渺莽屈曲漸深幽比縣
干戈偃諸村盜賊收室廬還舊貫邸店競新修蠶月門
多鐫秧田草盡耰畫龍沽肆古檻虎驛程修天目蟠根
遠王干設險道徑紆橫巨石澗潔見游鯨岳勢攀衡霍
星文摘斗牛桑麻敦本業筍蕨缺珍羞谷冷長杉密岡
溫旦茗抽宣平何處在太白此中求仙墅丹池火僧廬
野竹秋農談通稗史騷詠入樵謳楚雨三江外吳雲五
嶺頭夕陽彭蠡浦潮水淞河流西望番禺君國東思越相

州孰云民俗險政爾士風優輿隸知周孔章縫盛魯鄒
聖賢一道續天地四書留闕里瞻庠序師臣拜冕旒永
懷枌梓故能奠藻芹不靈順王封廟華光佛氏棲端能
無鬼責焉所匪神庥矧是儒家彥初非賈客儔詩材工摺
撫意匠極雕鏤佳句垂千古浮榮等一漚吾家紫陽下
肯作寄書郵

春寒

燈節蕭條雷後雪花天料峭雨餘霜經旬不出無情緒

金瓶梅詞話卷七
恰見鵝兒似酒黃

櫻桃花

淺淺花開料峭風苦無妖色畫難工十分不肯精神露
留與他時著子紅

桐花

悵惜年光怨子規王孫見事一何遲等閒春過三分二
憑仗桐花報與知

治圃雜書四首

天地一閒人園林數畝春認苗諳藥性養果護花身社
友同疏飯鄰兒笑野巾空庭維老馬不出動經旬

汲水洗青石寘之盛酒樽身閒宜獨坐手冷喜時捫曉
露黏花片春苔蝕浪痕從吾已安穩不復動雲根

花有如罌粟能同橘不遷茄藤宜硬地豆莢惡肥田元

總齊民術夷吾物土篇園丁初未讀口訣自相傳

罌粟
移即

不沽茄須于硬地穴以種羊角諸豆
必瘦地乃結園丁見告如此他尚多

芍藥抽紅銳荼蘼纏綠長幾家蠶落紙比屋燕分梁穀

雨深春盡茶煙永日香詩成懶磨墨挂杖畫苔牆

惜硯中花

花擔移來錦繡叢小窗瓶水浸春風朝來不忍輕磨墨
落硯香黏數點紅

次韻夾谷子括吳山晚眺

詩眼書眉碧宙寬莫天搖落縱遐觀霜明楓葉紅於染
春點梅梢玉不寒北望遙迎書鴈至南烹屢饜膾魚殘一
規明月懸江海幾許人家夜枕安

追用徐廉使參政子方申屠侍御致遠張御史鵬

飛元日倡酬韻

七十翁非浪走時夜窗自恨賦歸遲睡稀枕上無春夢
吟苦樓前有月知茅索願追田畯喜瓜薪遙念室人悲
却須天上綸言手小為農忙緩繭絲

虛谷與年獻之同庚其寄壽獻之詩序云前浙東憲
使大卿陵陽年公獻之先生寶慶三年丁亥正月十
一日生其賢子孫以丙申正旦奉觴為親度慶七十
紫陽方回亦以丁亥年前五月十一日生為雖甲子
偶寓武林不能趨雪上附賀客之尾唐白樂天劉夢
得同生大厯七年壬子至武宗會昌元年辛酉皆年

七十是歲樂天有詩云大厯年中騎竹馬何人得見
會昌春今輒用此事為詩奉寄其領聯云詩名我愧
劉賓客心事君真白樂天周草窗癸辛雜識謂虛谷
怒仇仁近之褒年貶已噴有煩言未知其果否也

前參政浙西廉訪徐子方得代送別三十韻

瑛客
齊

往時參大政諸老扈先朝合執調元柄猶乘問俗輶登
良爰改紀肅政各遷喬明甚奎文揭堅能泰岳搖吳山
懸夜月浙水噴秋潮薦拔皆奇士寅恭盡選僚重名三
翻鼎古韻九成韶混合氛祲定因循習尚驕不扶儒學
起焉草庶風澆周繼言堪攷殷因世未遙西湖舊精舍

南渡昔園橋祠植三賢仆書重萬卷雕武林增炳煥文
廟鬱宮堯不朽垂聲價無窮沸詠謠學肩游子夏謨過
益皋陶鵬運三千日龍飛九五朝遐方馳幣聘曲藝齒
旌招共擬膺三錫何煩奉六條有心思綠野無意上青
霄壯節甘恬退高風久寂寥一閒如我願百病應時消
僉謂衣當袞公宜館有翹終須坐廊廟未許老漁樵世
道存元氣天時正斗杓圍腰堪玉帶畫像早金貂慶會
逢樛木恩榮侈蓼蕭自憐耽杜酒誰肯顧顏瓢每辱高

軒過無嫌閨市囂七旬慚莫景三載傍清標再見如何
日臨風淚欲飄

送楊復之歸故里

復州學錄

四十青春七十翁客樓時得一樽同子將仕矣雲霄上
我合歸歟澗谷中涼夜歲星守南斗豐年江國喜西風
許追父老雞豚社為說猶能醉頰紅

送劉都事五十韻

晦叔
密齋

近人于仕宦如以韓盧獵泰山有不見得獸誇足捷學

問夫何如有書鑰諸篋府史以為師僅能署吏牒雕鞍
驟肥馬畫閣貯美妾萬一至公相豈堪任調燮老友劉
密翁早隸周孔業大輅鸞和鳴大樂律呂協南省據都
曹不以貴自挾朋來多下交賓至必謙接解官寓城東
座寒乏氈氎高卧懶問遺雨落秋蓂莢積薪後居上彼
勇哂吾怯為言恥孟晉如病夏畦脅有時酤我飲荒墅
縱步屨果核釘俎豆羹糝供匕筴居然道襄乎宜爾情
話接公才豈不知大川宜作揖顧於名利波未肯卜利

涉人生惑外物種種意欲愜高睨官爵梯等級恨不躡
愚竊窺此翁嗜欲穽已斂寧為三省魯不慕一諾俠經
史入胷中丘陵堆重疊文詞落筆下布泉極熨帖莊重
異新銳詳緩蔑虛警誰歟心快快或者言喋喋氣帥直
其內義理為管攝歸歟埽松楸試負都門笈中書多缺
負聞早下堂帖不然肅政臺冠豸羣小懾分司江之南
亦足煦疲劣去當柳嘶蜚還及杏飛蝶鯽生嶺海夢尚
憶鳶跼跼短隨李廣衣長彈馮驩缺萬死脫一生麤免

翳桑輒今年七十老鬢禿無可攝與人素寡合況入畏
訟謀往往交游間平地生巖壑萬里風枝殊一旦合鷄
鵲揮塵許諳聽曳履容追躡公將北闕覲我終南畝
甚欲餞遠郊扶杖尾蹠蹠愧無一杯酒陽關唱紅顏他
人侈別筵椎牛宰剛鬣而此何枵然窮極甚無刼顧視
童子佩悅礪若觴鰈持干富人肆詎肯出質貼吟茲就
行篇終夜不交睫浩浩號西風索索雨木葉

豐樂樓

來輿去馬禁城空豐樂樓消一炬紅說與吳儂莫惆悵
龍墀猶化梵王宮

竹閣

千山斫入亞夫營佳墅名園怕近城賴是白公資佛力
小留蒼翠作秋聲

清湖春早

樓上春陰覆曉雲一河天淨碧沄沄雨宜不驟風宜細
閒倚闌干看水紋

三天竺道中

三天竺路漸平登高似雷峯
塢幾層山到無人行處好
松陰萬樹立孤僧

次韻高子明

昇 投贈

中原從昔信多艱尚有文才與古班
詩律歸隨元好問
樂章雋永蔡蕭閒
要知精會神全處
須到聲銷色泯間
此話無人膠鳳背
一蓑煙雨紫陽山

偶題五言絕句二首

不寐常敲枕無言獨倚樓江淹猶匪恨庾信始為愁
落木包生意來鴻定去期如何蕭瑟氣有許楚臣悲

春半久雨走筆二首

月餘不浴不梳頭垢服埃巾獨倚樓萬古事銷閒裏醉
一年春向雨中休天時纔暖又還冷人世少歡多是愁
治亂無窮如糾繆華山高卧最為優

萬事心空口亦箝如何感事氣猶炎落花滿硯慵磨墨
乳燕歸梁急卷簾詩句妄希敲月賈郡符深愧釣灘嚴

千愁萬恨都消處笑指鄰樓一酒帘

回二十學詩今七十六矣七言決不

為許渾體安希黃陳老杜力不逮則退為白樂天及張大潛體樂天詩山谷喜之缺者在集文潛詩自然

不雕刻山谷不敢缺也五言回慕後山苦心久矣亦多退為平易中有閨仙之趣而人不識也

清明大雪三日

半月雕梁燕子歸怯寒著盡舊綿衣何人醉眼西湖路
錯認楊花作雪飛

聽孫鍊師琴

名畫元不出畫工善書決不屬書史子春伯牙非伶官

古能琴者必君子枕流漱石今孫郎電眸冰齒霜髯張
洒埽書室焚古香信手為吾調宮商琮琤琤琤泉落澗
咽咽啾啾鴻度漢從容整暇未肯忙小侯吟猱觀抑按
急如快劍斫蛇分兩截琉璃瓶碎玉簪折似有鷹膠再
補完細視冰弦元不絕又如電走電飛驅霹靂老樹百
丈龍爪入得非獺髓滅瘢痕依舊烏桐淨如拭睥睨黠
鼠伏狸奴殺機一動與之俱鷹揚頗類師尚父牧野秉
鉞行天誅臨河而聞殺鳴犢曳輪不往反乎覆許由不

受堯天下一瓢雖無吾亦足聖門此意傳不傳耿耿精
靈月在天孫郎何處得授受長江秋霽印嬋娟五音本
無根舌齒六律發揮憑手指音律之外求七情萬變悉
從心上起孫郎胷次夫何如貯儲古今萬卷餘孰謂七
弦軫上之神聖不本二尺檠邊之功夫少年學琴欲學
渠勿但彈琴當讀書

與孟能靜飲聯句二首

三月一日春如酒紅是桃花綠楊柳人生不醉欲如何

不如意常十八九

孟

暫茲袖公補天手誰能箝我談天

口挹斗酌海兩相逢天風吹我無何有

方

三月三日一觴酒同上危樓望晴柳豈可不飲負此春

向來風雨十朝九

方

何必水邊看麗人何必水晶行素

鱗曲阜橋邊同一醉杭州城裏兩閒身

孟

元詩選初集卷七